



Broj: 07-06-20-25564/23  
Sarajevo, 02.06.2023. godine

Na osnovu člana 70. Zakona o organizaciji organa uprave u Federaciji BiH („Službene novine Federacije BiH”, broj 35/05) i člana IV Odluke o kriterijima za utrošak novčanih sredstava za modele ostalih vrsta novčanih podsticaja („Službene novine Kantona Sarajevo”, broj 32/13), Ministarstvo privrede Kantona Sarajevo objavljuje

## **JAVNI POZIV**

**za dodjelu sredstava iz Budžeta Kantona Sarajevo za 2023. godinu sa pozicije Ministarstva privrede za sufinansiranje učešća (zakup izložbenog prostora) na 50. Međunarodnom sajmu poljoprivrede i prehrambene industrije “Dani šljive”**

### **1. Predmet Javnog poziva**

Dodjela novčanih sredstava iz Budžeta Kantona Sarajevo za 2023. godinu sa pozicije Ministarstva privrede za sufinansiranje učešća (zakup izložbenog prostora) na 50. Međunarodnom sajmu poljoprivrede i prehrambene industrije “Dani šljive” (u daljem tekstu: Sajam “Dani šljive”)

Ukupan iznos sredstava za sufinansiranje učešća (zakup izložbenog prostora) na Sajmu “Dani šljive” iznosi do 50.000,00 KM.

### **2. Pravo učešća na Javnom pozivu**

Pravo učešća po ovom javnom pozivu imaju pravna lica (privredna društva i udruženja) i fizička lica-obrtnici koji ispunjavaju uslove iz tačke 3. ovog javnog poziva.

### **3. Uslovi koje moraju ispunjavati kandidati:**

- da su registrovani u skladu sa zakonom,
- da imaju sjedište odnosno prebivalište na području Kantona Sarajevo,
- da obavljaju djelatnost u oblasti poljoprivrede i prehrambene industrije na području Kantona Sarajevo,
- da nemaju dugovanja po osnovu poreza i doprinosa,
- da izlažu najmanje 5 vlastitih ili najmanje 5 proizvoda drugih proizvođača na sajmu.

### **4. Potrebna dokumentacija:**

Kandidati su uz prijavu, dužni dostaviti sljedeću dokumentaciju:

- a) pravna lica aktuelni izvod iz sudskog registra ne stariji od 3 mjeseca od dana podnošenja prijave po ovom javnom pozivu;

- b) fizička lica-obrtnici općinsko rješenje o registrovanom obrtu ne starije od 3 mjeseca od dana podnošenja prijave po ovom javnom pozivu;
- c) izjavu ovjerenu pred nadležnim organom da obavljaju djelatnost u oblasti poljoprivrede i prehrambene industrije na području Kantona Sarajevo;
- d) izjavu u kojoj će navesti da će na Sajmu "Dani šljive" izlagati najmanje 5 vlastitih ili najmanje 5 proizvoda drugih proizvođača;
- e) specifikaciju proizvoda sa naznačenim potrebnim izložbenim prostorom;
- f) uvjerenje/potvrdu o urednom izmirenju direktnih poreza, doprinosa za PIO/MIO i doprinosa za zdravstveno osiguranje izdato od Poreske uprave FBiH ne starije od 3 mjeseca od dana podnošenja prijave;
- g) uvjerenje/potvrdu o urednom izmirenju indirektnih poreza, izdato od Uprave za indirektno oporezivanje ne starije od 3 mjeseca od dana podnošenja prijave (ukoliko je u sistemu PDV-a u skladu sa Zakonom o porezu na dodanu vrijednost, a ako nije u sistemu PDV-a uvjerenje/potvrdu izdato od Uprave za indirektno oporezivanje da nije u sistemu PDV-a).

Dokumenti se prilažu u originalu ili ovjerenoj kopiji.

#### **6. Rok za podnošenje prijava i način podnošenja prijava:**

Rok za dostavu prijava sa potrebnom dokumentacijom, po ovom javnom pozivu je 30 dana od dana objavljivanja Javnog poziva u dnevnim novinama i na web stranici Ministarstva privrede Kantona Sarajevo [www.mp.ks.gov.ba](http://www.mp.ks.gov.ba)

Prijave na Javni poziv sa potrebnom dokumentacijom podnose se isključivo na centralni protokol Kantona Sarajevo, u zatvorenoj koverti, sa naznakom:

**Kanton Sarajevo  
Ministarstvo privrede  
Reisa Džemaludina Čauševića 1  
71 000 Sarajevo**

***"Prijava po Javnom pozivu za dodjelu sredstava iz Budžeta Kantona Sarajevo za 2023. godinu sa pozicije Ministarstva privrede za sufinansiranje učešća (zakup izložbenog prostora) na Sajmu "Dani šljive"***

**- NE OTVARATI -**

***Napomena:** Kontakt telefon za dodatne informacije je 033 562 141 ili neposredno u prostorijama Ministarstva privrede, Reisa Džemaludina Čauševića 1, Sarajevo, III sprat, soba 323.*

